

*Hic inseratur Schema al-
vei, seu Abaci Arealis,
notatum signis γ δ α β .*

CAPVT VII.

*De motu areali calculorum
in abaco.*

PER huius abaci areolas quadratas huc
atque illuc movendi sunt calculi ad nu-
meros exprimendos & computandos.

Motus seu progressus arealis duplex est, Di-
rectus, & diagonalis.

Directus est, qui motu elephantis turtiferi
scacchii procedit parallelus ad latera.

Vt ab a in δ , à b sinistro in α dextrum: à
 c sinistro in β dextrum, à d sinistro in γ dex-
trum: &c. ita deinceps.

Vel aliter: à b dextro ad α sinistrum, à c
dextro ad β sinistrum, à d dextro in γ sini-
strum. Vel contrà, ab δ in a , ab α in b , à β
in c , à γ in d , &c. sive dextrorsum, sive si-
nistrorsum, sive ascendendo, sive descen-
dendo.

Vade

Vnde motus directus duplex est: alter parallelus ad lineam $\Psi \Theta$, vel $\Upsilon \Pi$: alter huic motui orthogonalis, & parallelus ad lineas $\Psi \Upsilon$, & $\Pi \Theta$.

Atque hi duo motus semper sese ad invicem secant in angulo aliquo communi diligenter observando.

Vt directus motus à d dextro in γ sinistrum, & motus à g sinistro in ζ dextrum, sese secant in ω ; qui communis angulus seu areola inter d dextrum, & g sinistrum dicitur. Et ita de reliquis.

Motus diagonalis est, qui ab angulo aliquo ad suum diametraliter oppositum angulum tendit: aut huic motui parallelus est, instar motus sagittiferi scacchie.

Vt ab a in Ψ , à b in χ , à c in Φ , à d in ν , &c. literis utrisque dextris, aut utrisque sinistris; aut contrà à Ψ in a, &c. Aut aliter, literis similibus, altera dextra, altera sinistra: ut à b dextro in b sinistrum, à c dextro in c sinistrum, à d dextro in d sinistrum; vel contrà, & sic deinceps.

Vnde etiam & hic diagonalis motus duplex est: alter inter similes, alter inter dissimiles literas.

Inter similes dicitur progressus, quum à dextris juxta Θ , in sinistras versus Υ : aut contrà

trā à ζ in Θ progredimur.

Inter dissimiles autem, quum ascendimus ab γ in Π , aut descendimus à Π in γ , ut in superioribus exemplis patet.

CAPVT. VIII.

De Axiomatibus & consecutarijs utriusque motus in abaco.

AXIOMA I.

Directè ascendendo motu seu tractu elephantis, areola quaeque superior est valore dupla proximè inferiori, sive dextrorsum, sive sinistrorsum procedas.

Vt ab a in b sive dextrum sive sinistrum, incrementum inter areolas duplum est: nam areola a valet 1, b autem 2. Sic à b ascendendo, sive dextrorsum, sive sinistrorsum, valebit proxima areola c 4, quæ sunt duorum duplum. Par ratio in cæteris ascendendo: & contra descendendo.

AXIOMA 2.

Omnes areola diagonaliter interiecta inter duas similes literas, sunt eiusdem valoris cuius est numerus in utroque margine notatus: Θ
ha

110 ARITHMETICAE LOCALIS.

hae iisdem literis (potentiâ saltem) notari intelliguntur.

Ut omnes areolae quadratae diagonaliter interjectae inter l & l, intelliguntur notari litera l, & valere 1024.

Ex duplici hoc motu, directo elephantis, & diagonali sagittiferi, & suis axiomatis jam dictis, sequuntur plurima Corollaria infra scripta.

COROLL. I.

HINC primò constat calculum moventem diagonaliter inter similes literas, nec literale nomen, aut notam, nec numeralem valorem mutare: atque idco hunc motum meritò aequalem dici.

COROLL. 2.

Secundò, ut diagonalis motus calculi dextrorsum, vel sinistrorsum (more sagittiferi scacchiae) valorem ejus non mutat: sic ascensus diagonalis valorem ejus quadruplicat: ita ut superior quaque areola sit quadrupla proximè substituta ei areola angulariter conjuncta.

COROLL. 3.

Tertiò sequitur, quod diagonalis linea \vee II, seu a ψ areolae ascendunt per numeros alternos, quadruplos, & quadratos, & per literas alternas:

alternas : atque ha areola sunt punctis signanda pro extractione quadrata.

Vt a 3, c 4, e 16, g 64, i 256, &c. usque ad ψ .

COROLL. 4.

Quarto, quod diagonalis linea b χ , areola ascendunt per numeros alternos, & quadruplos, sed non quadratos : & per litteras alternas.

Vt b 2, d 8, f 32, h 128, k 512, &c. usque ad χ .

COROLL. 5.

Quinto, quod areole a c in ϕ , ab e in τ , a g in ω , &c. procedunt ut areola in linea a ψ , incipiente tamen qualibet a numero marginali illi subiecto.

COROLL. 6.

Sexto, quod areole a d in ν , ab f in ς , ab h in ω , & cetera alternatim posita, procedunt ut areola in b χ linea : incipiente tamen qualibet a numero marginali illi subiecto.

COROLL. 7.

Septimo sequitur, quod ex multiplicatione
 F ne duo.

112 ARITHMETICAE LOCALIS.

ne duorum numerorum, quorum alter est in margine \vee D , alter in margine \vee E , producitur numerus communis areolæ, seu anguli directo motu intercepti: quem litera similes, dextrorsum & sinistrorsum diagonali motu ab hoc communi angulo procedendo, monstrabunt.

Vt ex multiplicatione d 8 , in g 64 , producantur k 512 litera & numerus areolæ, seu anguli communis inter d & g , quem notâ ω signavimus. Et ita in cæteris.

COROL. 8.

Octavo sequitur, quod cuique calculo in area posito, tres conveniant numeri & sue tres literæ: duo directo motu illi calculo substituti, quorum alter dextrorsum, alter sinistrorsum reperitur: tertius numerus diagonali motu sagittiferi scæchiae dextrorsum & sinistrorsum, per similes numeros & literas marginales designantur.

Vt calculo deposito in area ω , respondent motu elephantis turriferi scæchiae duo numeri & duæ literæ d 8 , & g 64 ; & tertius numerus cum tertia litera k 512 reperitur in utroque margine dextro & sinistro, motu sagittiferi procedendo.

COROL. 9.

Nono sequitur, quod horum trium numero-

rum

rum, is tertius, quem sagittifer scacchia monstrat suo motu dextrorsum, & sinistrorsum: in opere multiplicationis est multipulum reliquorum duorum: quorum alter est multiplicans, alter multiplicandus. Et in opere divisionis, idem tertius est dividendus: & reliquorum duorum, (quos elephantis motus in inferioribus marginibus designat) alter est divisor, alter quotiens.

Vt in superiori proximo exemplo trium numerorum d 8, g 64, & k 512; in multiplicatione, k 512 est multipulum factum ex 8 & 64: & horum alter est multiplicans, alter multiplicandus. In divisione autem, idem tertius k 512 est dividendus: reliquorum verò alter divisor, alter quotiens.

Admonitio.

HIS ergo consuetarijs variè transponuntur, extenduntur, & abbreviantur calculi in arena depositi: & retento pristino valore, fiunt ex ijs varia figura, utpote quadrangula seu oblonga, quadrata, & alia multiplicationibus, divisionibus, & extractionibus radicam aptissime convenientes, ut iam ex sequentibus patebit.

CAPVT IX.


De Multiplicatione.

IN Multiplicatione oportet numeros multiplicantem & multiplicandum separatim sumptos minores esse duplo mediij (medium enim voco, numerum in angulis δ , aut D locatum) quod duplum in hoc abaco precedente est 1677216. Multiplicandi itaque & multiplicantis alterum, calculis aut cretâ in margine inferiore, & dextro $\vee \text{D}$: alterum in inferiore, & sinistro $\vee \delta$, signabis : non tamen intra abaci aream, sed super suos numeros iuxta literas. Deinde singulorum duorum calculorum, aut signorum marginalium (quorum calculorum alter dexter, alter sinister est) signa omnes communes angulos areales calculis, diligenter observando ne vel unum omiseris : hi enim calculi areales figuram quadrangularem exactè referentes quæ situm multipulum, seu productum operationis designant : quod abbreviatione, translatione, & reductiōne manifestè patebit.

Vt sint multiplicanda 19 (quæ translata sunt a b e) in 13 : quæ translata sunt a c d. Calculis aut cretâ signentur a b e, vel sui

CAPVT QVARTVM. 125

fui numeri 1, 2, 16, in infimo & sinistro ma-
 gine γ δ : a c d verò, vel fui numeri 1, 4, 8, in
 dextro γ δ figentur, ut infra. Deinde om-
 nes communes anguli inter sinistras notas a b
 c, vel 1, 2, 16, & dextas a c d, vel 1, 4, 8, si-
 gnentur calculis in area depositis, & figuram
 quadrangularem appositam referent. Abtractis
 igitur calculis marginalibus, & deletis notis
 multiplicantis & multiplicandi, quæ prius ap-
 ponebantur: abbrevianda est summa quadran-
 guli arealis, & transponendi sui calculi, hoc
 modo: calculum arealem in angulo communi
 inter 1 & 1, transpone in marginem dextror-
 sum: calculum inter 2 & 2, in numerum mar-
 ginalem dextrorsum. Pro calculo etiam in-
 ter 4 & 4, ponatur unicus calculus in margine



F 3

codem

116 ARITHMETICAE LOCALIS.

codem apud 4. Pro calculis autem inter 8 & 8 auferendis, ponatur unicus calculus inter 16 & 16 in area : & jam sunt tres calculi in area inter 16 & 16 : pro quibus ponatur calculus unicus in margine præfato apud 16, & alius in area inter 32 & 32 : qui, quia unicus & solus in hac area est, in marginem apud 32 transferendus est.

Supereft infuper calculus alius arealis inter 64 & 64, quem (quia unicus est) in marginem apud 64 transfero. Vltimo, inter 128 & 128, reperitur calculus in area, quem (quia unicus est) in marginem juxta 128 transfero. Et ita ex calculis marginalibus juxta 128, 64, 32, 16, 4, 2, & 1 positis, habentur 247 multipulum quæsitum, quod ex ductu 19 in 13 provenit. Verùm, hæc omnia facilius intelliguntur, per calculos in abaco ampliore mobiles, quàm per hos in hoc alveolo impressos & fixos : ex illis ergo disce.

ALIUD EXEMPLVM.

SINT 1206 (quæ literis l, h, f, e, c, b, & numeris 1024, 128, 32, 16, 4, 2, exprimuntur) multiplicanda per 604, quæ literis k, g, e, d, c, & numeris 512, 64, 16, 8, 4, referuntur, illis in dextro margine, his in sinistro, calculis aut cretâ signatis.

Deponuntur calculi in omnibus eorum angulis communibus; ut in sequente figura quadrangulari perspicitur. Remotis igitur jam notis marginalibus, abbreviandi & transponendi sunt calculi areales mobiles in abaco suo vero (hic enim picti moveri nequeunt) hoc modo: calculum unicum arealem inter 8 & 8, transpone in marginem dextrum apud 8. Pro calculis duobus inter 16 & 16 pone unum calculum in area inter 32 & 32.

Et

128 ARITHMETICAE LOCALIS.

Et jam sunt tres calculi in area inter 32 & 32; pro quibus pone calculum unicum in eodem margine apud 32, & alium in area inter 64 & 64. Et jam sunt tres calculi areales inter 64 & 64: pro quibus pone unicum in margine apud 64, & alium in area inter 128 & 128. Et jam habes quatuor calculos areales inter 128 & 128: pro quibus pone duos calculos areales inter 256 & 256. Et jam habes quinque calculos areales inter 256 & 256: pro quibus pone unicum calculum marginalem juxta 256: & duos calculos areales inter 512 & 512. Et ita habes quatuor calculos areales inter 512 & 512: quibus remotis, pone pro ijs duos calculos areales inter 1024 & 1024. Et jam habes quinque calculos areales inter 1024 & 1024: pro quibus pone unicum marginalem juxta 1024, & duos areales inter 2048 & 2048. Et ita habes quinque areales calculos inter 2048 & 2048: quibus remotis, pone pro ijs unicum calculum marginalem juxta 2048, & duos areales inter 4096 & 4096. Et ita habes tres calculos areales inter 4096 & 4096: pro quibus pone unicum marginalem juxta 4096, & alium arealem inter 8192 & 8192. Et ita habes quatuor calculos areales inter 8192 & 8192: pro quibus pone duos calculos areales inter 16384 & 16384. Et ita habes quatuor calculos areales inter 16384 & 16384: pro quibus pone duos areales inter 32768 & 32768. Et habes duos calculos areales inter 32768 & 32768: pro quibus pone unicum arealem inter 65536 & 65536. Et habes in hac area inter hos numeros tres calculos areales: pro quibus pone unicum marginalem juxta 65536, & alium arealem inter 131072 & 131072: hunc autem calculum arealem (quia unicus est) transfer ad marginem juxta 131072. Ultimo omnium reperies calculum arealem inter 524288 & 524288, quem

quem transfer in marginem juxta 524288. Atque ita ex numeris calculorum marginalium juxta 524288, 131072, 65536, 4096, 2548, 1024, 256, 64, 32, & 8 collectis in unum, habes 728424 pro multiplo quaesito, quod ex ductu 1206 in 604 provenit.

Hinc sequitur, quod ex singulis quibuscumque calculis multiplicandi ductis in omnes calculos multiplicantis, aut contra, proveniunt series calculorum quas quadranguli segmenta appellamus.

Ut in exempli proximè superioris quadrangulo, series calculorum ab inferiore & finitioris k , motu elephantino ascendentium, dicitur segmentum illius quadranguli.

Sic series calculorum supra g ascendentium, dicitur aliud segmentum ejusdem quadranguli.

Simili modo series transversa calculorum, motu elephantino versus l dextrorsum progredientium, est unum ex segmentis ejusdem quadranguli.

Sic etiam series quæ tendit in h , & cæteræ similes.

CA-

CAPVT X.

De Divisione.

IN Divisione sagittifer à maximo calculo dividendi motu aequali, & elephas à maximo divisoris monstrant communem angulum, à quo series calculorum divisori undique parallela procedens, dicitur segmentum: congruum, si minus fuerit dividendo relicto: alioquin proximè illi substituta series pro segmento congruo capiatur.


Vt mox per exempla in divisione patebit.

Divisio ergo sic se habet: Numerum dividendum calculis in alterutro margine signabis, divisorem autem (distinctionis gratia) notis in eodem, sive in alio margine signabis. Inde horum segmentum congruum in area constitue: quo, vel cuius valore, ex dividendo ablato, observa calculos relictos: à quibus etiam dempto suo segmento congruo, notentur & ha reliquia: à quibus iterum, atque iterum, auferantur successivè sua segmenta congrua: donec tandem aut nihil relinquatur, aut saltem numerus divisore minor, & hic seorsim positus indicat novissimas reliquias. Numeri autem laterales alterius marginis, in quos singula con-

CAPVT DECIMVM. 137

congrua segmenta tendunt, simul additi, quotientem verum tibi referent.

Vt sint partienda 250 per 13. Positis calculis in dextro margine juxta 128, 64, 32, 16, 8, & 2 numeros, signetur 250 dividendus: positus autem in altero margine inferiore & sinistro notis apud 8, 4, & 1. signetur 13 divisor. Horum quare primum segmentum congruum hoc modo: Ascende ab 8 infimo per motum elephantis, & progredere ab 128 ad dextram posito per motum sagittiferi: & à communi utrius-



que angulo colloca seriem calculorum divisorum parallelam: hæc in 16 dextrorsum tendit, & est segmentum primum congruum: quod ex dividendo aufer, relinquitur calculus juxta 32, juxta 8, & juxta 2 pro primis reliquijs. Inter horum maximum 32 (motu sagittiferi) & divisoris

132 ARITHMETICAE LOCALIS.

foris maximum 3 (motu elephantis) angulus communis incidit in X; & ita segmentum divisoris esset X , ut in schemate: sed quia hujus valor excedit dictas reliquias, ideo hoc segmento incongruo spreto, pro eo assumimus proximè substitutam seriem calculorum, quæ versus 2 tendit: & hi tres calculi sunt congruum segmentum ex dictis reliquijs auferendum, & tunc remanebit pro secundis reliquijs calculus juxta 16. Inter quem calculum, & maximam notam divisoris, quæratur segmentum congruum; & illud tendet versus 1: suntque tres calculi, quorum valore subducto ex unico illo calculo secundarum reliquiarum, juxta 16 à dextris posito, remanent tandem pro tertijs & ultimis reliquijs, calculus ad dextram juxta 2, & alius juxta 1, quæ indicant tria pro novissimis reliquijs scortum positis.

Numeri autem dextri marginis, in quos singula congrua segmenta tendunt (scilicet 16, 2, 1,) simul additi, quotientem verum 19 constituent.

ALIUD EXEMPLUM.

SINT dividenda 718424, per 1206. Finitis calculis apud 524 88, 131072, 65636, 4096, 2048, 1024, 256, 64, 32, 8. designetur numerus dividendus in dextro margine: & positis notis, aut literis juxta numeros 1024, 128, 32, 16, 4, 2, in eodem (si libet) margine notabis divitorem 1206. Horum (ut docuimus) quære segmentum congruum primum, & id directè statit supra numerum 512, inferius & à sinistris positum: cujus segmenti valor subducatur ex dividendo, & remanent reliquæ observandæ: ex quibus aufer suum segmentum

CAPVT DECIMVM.

II.

512.
256.
128.
64.
32.
16.
8.
4.
2.
 1.

69
 524288.
 262144.
 131072.
 65536.
 32768.
 16384.
 8192.
 4096.
 2048.
 1024.
 512.
 256.
 128.
 64.
 32.
 16.
 8.
 4.
 2.
 1.

ω

ω

G

734 ARITHMETICAE LOCALIS.

mentum congruum, & remanebunt alia, atque alia reliqua, atque tandem nulla. Et quinque incident in hoc opere segmenta congrua, quae directè tendent in numeros inferius positos 512, 64, 16, 8, 4, qui additi constituunt 604, quotientem scilicet quæ situm: eodem modo, quo indicat schema secundi exempli multiplicationis, quod & hîc adjectum etiam accipe.

CAPVT XI.

De extractione quadrata.

CALCVLVVS quàm maximus in area-
la punctis notata (inter a & ψ) deposti-
tus, qui ex oblato numero cuius radix quadra-
ta est extrahenda, substrahi possit, dicitur ca-
put gnomonum seu quadrati: quod per ipsos
gnomones est augendum.



Gnomon hoc loco dicitur series calculorum,
quæ adjecta calculo aut quadrato producit
majus quadratum.

Vt uni calculo adjice tres, & fiant quatuor,

quæ quadratum
sunt hoc situ $\begin{array}{c} \circ | \circ \\ \hline \circ \circ \end{array}$ vel hoc situ $\begin{array}{c} \circ | | \circ \\ \hline \hline \circ \circ \end{array}$

vel simili.

Huic quadrato quatuor calculorum adjice
quinque, & fiant novem, quæ quadratum sunt
hoc



adjiciendo huic quartum gnomonem novem calculorum, fiunt 25. Et huic quintum gnomonem undecim calculorum, & fiunt 36. Et ita semper deinceps crescit minus quadratum in majus, gnomonum adjectione.

Gnomon quàm maximus qui ex calculis marginalibus relictis substrahi, & in locum vacuum incidere possit, dicitur congruus gnomon.

Vnde sequitur, quod congruus gnomon incidit semper in primo, aut secundo loco vacuo, qui calculo marginali maximo proximè substituitur.


His pralibatis extractio quadrata sic perficitur. Numerus cujus radix quadrata est extrahenda, est per suas partes signandus calculis in margine alterutro: deinde ab hoc au-

ferendus est valor calculi, quem caput Gnomonium appellavimus, ipso manente calculo: & quae supersunt reliquia pro calculis marginalibus primo relictis notentur. Ex his primo relictis aufer primum gnomonem trium calculorum qui congruus fuerit, manente ipso gnomone: & hinc relictis calculi pro secundis notentur. Ex hisce secundis reliquijs aufer suam secundum gnomonem congruum quinque calculorum, manente semper gnomone: & quae hinc restant calculi pro tertijs reliquijs notentur. A quibus perinde aufer suum tertium gnomonem congruum, & habebis quartas reliquias. Simili modo & quintas, & sextas, donec tandem aut nulla fuerint reliquia, aut omni gnomone minimo minores. Cateri autem calculi, qui areales sunt, constituent integram quadratam figuram, à cuius singulis ordinibus deducti calculi in marginem altarum, radicem veram quesitam indicant.

E X E M P L U M.

SIT extrahenda radix quadrata ex 1024. Numerum hunc signabis calculis in margine altero, utpote dextro, juxta numeros 1024, 128, 64, 16, 4, 2, ut in sequente Schemate.

Deinde deponatur calculus in areola punctis cotata quae valet 1024, & caput Gnomonium sit; quo manente immoto, aufer ipsius valor ex dictis calculis marginalibus, & supersunt



funt calculi apud 128, 64, 16, 4, 2, pro reli-
 quijs primis. Ex his primis aufer valorem pri-
 mi gnomonis congrui trium calculorum in area
 (ut vides) depositorum : & qui supersunt cal-
 culi pro secundis reliquijs noentur, quæ inci-
 dent juxta numeros 64, 16, 2. Ex hisce secun-
 dis aufer suum secundum gnomonem con-
 gruum quinque calculorum, (manente tamen
 gnomone in area) & supererunt calculi juxta
 numeros 8, 4, 1, qui additi faciunt 13 pro ter-
 tijs & ultimis reliquijs. A singulis autem trium
 hujus quadrati ordinum, dirigantur calculi in
 marginem alterum inferiorem, & hi juxta nu-
 meros


G ;

138 ARITHMETICAE LOCALIS.

meros 32, 2, & 1 incident, qui additi sunt 35, radix quadrata quam quaesivimus.

ALIUD EXEMPLVM.

SIT extrahenda radix quadrata ex 2209. Numerus is constituatur in margine alterutro, v. g. dextro, calculis juxta 2048, 128, 32, & 1 positus. Ab his aufer valorem calculi qui caput gnomonis est, quod in areolam punctis notatam 1024 incidit, & supersunt primae reliquae juxta numeros 1024, 128, 32, & 1.



& 1. Hinc aufer valorem primi gnomonis congrui in area depositi, & supersunt secundæ reliquæ juxta numeros marginales 5, 2, 64, 32, 1. Ex his aufer valorem secundi gnomonis congrui in area depositi, & supersunt tertix reliquæ juxta numeros marginales 256, 16, 1.

Ex his tertijs aufer valorem sui tertij gnomonis congrui, & provenient quartæ reliquæ in margine juxta numeros 64, 16, 8, 4, 1. Denique ex his quartis reliquijs aufer valorem quarti gnomonis congrui, & nihil reman:bit pro novissimis reliquijs. Radix autem quæsitæ colligitur ex calculis quinque lateralibus, quos singuli hujus quadrati ordines in margine dirigunt: hi enim sunt juxta numeros 32, 8, 4, 2, 1: qui additi constituunt 47 radicem quæsitam, ut videre est in schemate, quoad pictura patitur: motus etenim calculorum multò faciliùs & certius in abaco majore, & calculis suis mobilibus, quàm in his prælo fixis & immobilibus intelligitur; ut superius etiam admonuimus. Atque hîc finem ARITHMETICAE LOCALI imponimus. DE O soli laus omnis & honor tribuatur.

FINIS.

